



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNIK

Broj: 01/04-11-7536-4/21
Sarajevo, 18.02.2022. godine

Na osnovu člana 70. stav (1) Zakona o javnim nabavkama BiH ("Službeni glasnik BiH", br.:39/14), a u vezi sa članom 38. Statuta Grada Sarajeva ("Službene novine Kantona Sarajevo", broj 34/08, - Prečišćeni tekst), gradonačelnica Grada Sarajeva, donosi

ODLUKU
o izboru najpovoljnijeg ponuđača putem Konkurentskog zahtjeva

I

Prihvata se ponuda ponuđača EVENT TIM d.o.o. Sarajevo, ulica Zaima Šarca broj 14 b, 71000 Sarajevo, broj ponude: 37-02-2022 od 08.02.2022. godine, za pružanje usluga: „Najam opreme (scenska oprema, audio i video oprema, sistem za simultani prevod)“ u postupku provođenja javne nabavke putem Konkurentskog zahtjeva.

II

Sa ponuđačem EVENT TIM d.o.o. Sarajevo, zaključit će se ugovor o pružanju usluga iz tačke I ove odluke.

III

Ova odluka stupa na snagu danom donošenja.

Obrazloženje:

Odlukom broj: 01/04-11-7536-2/21 od 01.02.2022. godine, pokrenut je postupak javne nabavke za pružanje usluga: Najam opreme (scenska oprema, audio i video oprema, sistem za simultani prevod) za potrebe Grada Sarajeva, putem Konkurentskog zahtjeva.

Obavještenje o nabavci objavljeno je na portalu Agencije za javne nabavke broj: 1278-7-2-7-3-65/22 dana 02.02.2022. godine.

Sa portala Agencije za javne nabavke tendersku dokumentaciju preuzelo je 13 ponuđača.

U određenom roku za dostavljanje ponuda na protokol ugovornog organa zaprimljeno je 5 (pet) ponuda i to: IMPERIO d.o.o. ul. Galac br. 18. 76 300 Bijeljina, EVENT TIM d.o.o. ul. Zaima Šarca br 14 b. 71 000 Sarajevo, PROEVENT d.o.o. ul. Višegradska br. 3. 71 000 Sarajevo, BLOW UP d.o.o. ul. Isaka Samokovlije bb. 71 000 Sarajevo i AUDIO VIDEO CONSULTING d.o.o. ul. Azize Šaćirbegović br. 7. 71 000 Sarajevo.

Stalna komisija za javnu nabavku imenovana Rješenjem gradonačelnice broj: 01/04-11-419/22, izvršila je javno otvaranje ponuda dana 09.02.2022. godine.

Nakon otvaranja ponuda izvršena je detaljna analiza prispjelih ponuda. Komisija je utvrdila da su dostavljene ponude prihvatljive za ugovorni organ, odnosno da su dostavljene u skladu sa tenderskom dokumentacijom.

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



Nakon otvaranja ponuda izvršena je detaljna analiza prispjelih ponuda. Komisija je utvrdila da su dostavljene ponude prihvatljive za ugovorni organ, odnosno da su dostavljene u skladu sa tenderskom dokumentacijom.

Komisija je utvrdila cijene prispjelih ponuda, redoslijedom kako su zaprimljene na protokol ugovornog organa i to kako slijedi:

1. IMPERIO d.o.o. Bijeljina.....20.000,00 KM bez uračunatog PDV-a,
2. EVENT TIM d.o.o. Sarajevo3.970,00 KM bez uračunatog PDV-a,
3. PROEVENT d.o.o. Sarajevo2.690,00 KM bez uračunatog PDV-a,
4. BLOW UP d.o.o. Sarajevo5.265,00 KM bez uračunatog PDV-a i
5. AUDIO VIDEO CONSULTING d.o.o. Sarajevo4.280,00 KM bez uračunatog PDV-a.

Obavještenjem o nabavci kao i tenderskom dokumentacijom u ovom postupku nabavke, ugovorni organ je predvidio provođenje **e-aukcije**, putem Agencije za javne nabavke za ponuđače koji su dostavili prihvatljive ponude odnosno ponude u skladu sa tenderskom dokumentacijom.

Prije provođenja e-aukcije, a u skladu sa Uputstvom za pripremu modela tenderske dokumentacije i ponuda, i to člana 17. stav (7) kojim se predviđa da: ugovorni organ obavezno od ponuđača traži objašnjenje cijene ponude koju smatra neprirodno niskom, komisija za javne nabavke je ponuđaču EVENT TIM d.o.o. Sarajevo uputila poziv za pojašnjenje neprirodno niske ponuđene cijene. Pojašnjenje je dostavljeno kod ugovornog organa pod protokolarnim brojem 04-11-1077/22 u skladu sa rokom traženim od strane komisije – 14.02.2022. godine.

EVENT TIM d.o.o. dostavio je odgovor ponuđene neprirodno niske cijene, navodeći da firma posluje po važećem cjenovniku koji je aktuelan već dvije godine. Ozirom na pandemijsko vrijeme i značajno smanjen obim posla koji ih je pratio protekli period, odlučili su cijene prilagoditi trenutnoj teškoj ekonomskoj situaciji koja je apsolutno sveprisutna u svim segmentima i granama poslovanja. Njihove cijene su prilagodili aktuelnoj ekonomskoj situaciji vodeći računa o njihovim „stalnim - vjernim“ klijentima, što se odnosilo i na Grad Sarajevo. Smatrali su da je njihova osobna stvar i stvar vlastite organizacije i raspoloživosti opreme da firma odlučuje koji procentualni popust će odobravati svojim „stalnim“ klijentima.

Također, ponuđena cijena apsolutno neće, niti može uticati na kvalitet pružanja njihovih usluga prema konkretnom ugovornom organu. Bez obzira na sve navedeno, dubljom analizom jasno se može utvrditi da su cijene ponuđenih usluga na tržištu značajno „pale“ u odnosu na predpandemijski period, te je iz istog i njihova ponuđena cijena u skladu sa svim naprijed navedenim.

Nakon obrazloženih navedenih razloga, može se zaključiti da je ponuđena cijena ekonomski opravdana, te komisija u ovom slučaju nema validnih razloga za odbacivanje obrazloženja dostavljenog od strane ponuđača EVENT TIM d.o.o.

Nakon provedene **e-aukcije** te dostavljenog Izvještaja o toku i završetku **e-aukcije** od strane Agencije za javne nabavke, utvrđena je konačna rang lista ponuđača koji su učestvovali na e-aukciji i to kako slijedi:

1. EVENT TIM d.o.o. Sarajevo **700,00 KM bez PDV-a,**
2. PROEVENT d.o.o. Sarajevo.....**800,00 KM bez PDV-a,**
3. AUDIO VIDEO CONSULTING d.o.o. Sarajevo**1.590,00 KM bez PDV-a ,**
4. BLOW UP d.o.o. Sarajevo.....**1.795,00 KM bez PDV-a i**
5. IMPERIO d.o.o. Bijeljina**20.000,00 KM bez PDV-a.**

Imajući u vidu sve naprijed navedeno, Komisija za javnu nabavku sačinila je zapisnik o pregledu i ocjeni ponuda od 17.02.2022. godine, te dala preporuku gradonačelnici da se ugovor za pružanje usluga - Najam opreme (scenska oprema, audio i video oprema, sistem za simultani prevod) dodijeli ponuđaču EVENT TIM d.o.o. Sarajevo, ul. Zaima Šarca broj 14 b. 71000 Sarajevo, koji je dostavio najpovoljniju cijenu nakon provedene e- aukcije u iznosu od 700,00 KM bez PDV-a.

Vrijednost nabavke za period od 12 mjeseci iznosi 20.000,00 KM bez PDV-a.

Usluge će se pružati sukcesivno u toku trajanja ugovora u zavisnosti od potreba ugovornog organa.

Ukupna vrijednost pruženih usluga u toku trajanja ugovora, ne može preći vrijednost ugovora.

Izabrani ponuđač je u obavezi da u roku od 5 (pet) dana od dana prijema Odluke o izboru najpovoljnijeg ponuđača, dostavi ugovornom organu ostalu dokumentaciju koja je propisana tenderskom dokumentacijom i novi Obrazac za cijenu ponude koji je usklađen sa cijenom nakon provedene e-aukcije, kako bi ugovorni organ mogao vršiti praćenje i realizaciju ugovora.

Novi Obrazac za cijenu ponude potrebno je popuniti u skladu sa članom 8. Pravilnika o uslovima i načinu korištenja e-aukcije, kojim je propisano da „**ukoliko se tehnička specifikacija sastoji od više pozicija, tada se svaka od pozicija umanjuje za isti procent koliko iznosi konačno procentualno umanjenje ukupne cijene postignute nakon e-aukcije, te se na tako umanjenu cijenu nudi zaključivanje ugovora najpovoljnijem ponuđaču**“.

U postupku ocjene provedenog postupka. Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Prihvatajući preporuku Komisije gradonačelnica Grada Sarajeva donosi ovu odluku.

POUKA O PRAVNOM LIJEKU:

Ponuđači koji su učestvovali u postupku javne nabavke mogu radi zaštite svojih prava i pravnih interesa u roku od 5 (pet) dana od prijema obavijesti (odluke) o izboru najpovoljnijeg ponuđača izjaviti žalbu ugovornom organu u dovoljnom broju primjeraka.

Dostaviti:

-ponuđačima

-a/a

Gradonačelnica

Doc. dr. Benjamina Karić

